



Te Rautaki Whakamaru ā-Motu o Aotearoa Tuatahi

Kia maru ake, kia pakari ake te motu

Kei hiahia mātau i ō whakaaro mō te whakamaru ā-motu

Kei te mahi te kāwanatanga i Te Rautaki Whakamaru ā-Motu o Aotearoa tuatahi mō Aotearoa.

Hei āwhina ki te waihanga i tēnei Rautaki, kei te hiahia mātau i ō whakaaro mō te aronga wā roa ki te Whakamaru ā-Motu

He aha te whakamaru ā-motu, ā, he aha e hira ai

Ko te kaupapa a Aotearoa mō te whakamaru ā-motu he arotahi ki te tiaki i a Aotearoa mai i ngā tuma kino a te hunga whakamamae i a tātau. E tautoko ana te whakamaru ā-motu ki te oranga o te iwi o Aotearoa, ā, e whakapau kaha ana ki te tautuhi, whakangāwari me te urupare ki ngā tuma ka whai pānga ki Aotearoa me te iwi Aotearoa, tae atu ki:

- Ngā momo whakawiriwiri me te angahāruki pākaha katoa
- Te whakararuraru a tētahi atu whenua i tō tātau manapori (hei tauira, mā te whakaawe huna i ā mātau tukanga pōtitanga me ngā whakatau pōtitanga)
- Ko ngā āhuetanga poke ā-ipurangi e whakaawe ana i ngā whatunga rorohiko (hei tauira, te kore e uru ki ngā kaute pēke, te tango raraunga, te whakararu rānei i te punahiko)

Ko te whakamaru ā-motu ko ngā whai wāhitanga anō ērā mō tātau ki te mahi tahi kia anga whakamua ai ngā pānga whakamaru ā-motu o Aotearoa.

Kua rerekē tō tātau horopaki me ō tātau wheako hei whenua

I whakatakotoria e te Pūrongo a te Kōmihana Uiui a te Karauna ki te whakaeke ā-tuma i te Whare Kōrana o Ōtautahi ngā tūtohutanga 44 i whakaae ā-whakaaro te Kāwanatanga.

I whakaū te Pūrongo i te hiahia kia kaha ake te āhua kaihautū me te ārahi i te whakamaru ā-motu, tae atu ki te tūtohu i tētahi tari whakamaru ā-motu hou. I whakaara anō i tēnei te hiranga o ngā whakatau tikanga haepapa, ā, kia nui ake te kōrerorero ā-iwi mō ngā take whakamaru ā-motu.

Ko tētahi āhuetanga hei hāpai i te koronga o te Pūrongo a te Kōmihana Uiui a te Karauna mā tētahi Rautaki Whakamaru ā-Motu.

Kua kore tō tātau tawhiti me tō tātau iti e tiaki i a tātau pērā i mua. Kei mua i a Aotearoa ko ngā whakapātaritari whakamaru kei te nui haere, ā, me kakama tātau ki te tautuhi, te ārai me te whakangāwari i ēnei tuma.

Ka āwhina tētahi Rautaki Whakamaru ā-Motu ki te whakatutuki i tēnei, ā, kia maru ake, kia pakari ake a Aotearoa.



Te mahi tahi ki te tiaki me te kauneke whakamua i tō tātau whakamaru ā-motu

Ka arotahi te Rautaki ki ngā tuma whakamaru ā-motu – ināiane me āpōpō.

Ka whakatakoto i ō tātau pānga whakamaru ā-motu, te tautuhi i ngā whakapātaritari whakamaru onāiane me āpōpō me te whakamārama i ngā wāhi matua mō te whakahou pūnaha me te haumitanga.

Ka whakatakoto te Rautaki i tētahi mahere me pēhea te mahi tahi me ngā pātui Tiriti o Waitangi, ngā hapori, te rāngai tūmataiti me ngā pātui o te ao.

Ko tā te Rautaki he:

- Whakarite ka taea e Aotearoa te tuku kōwhiringa whakamaru ā-motu tōtika mō te motu
- Whakaata i tētahi paiherenga ki Te Tiriti o Waitangi me te whakamana i te wāhanga o te Māori i roto i te whakamaru ā-motu
- Whakamana i te hira o Te Moananui-a-Kiwa me ngā hononga kaha tētahi ki tētahi i waenga i a Aotearoa me te rohe.

He whai wāhitanga anō te waihanga i te Rautaki kia whai wāhi ai te motu ki te kōrero mō te whakamaru ā-motu me ngā hanganga e tautoko ana i tēnei.

E whai wāhi koe ki te ahu i te Rautaki Whakamaru ā-Motu

Ka taea e koe te tuku whakaaro mō te Rautaki tae noa ki te 30 o Hepetema 2022 mā tētahi tukanga tāpaetanga tuihono me ngā hui tuihono.

Ka whakawhānui ō whakaaro i ngā kōrero kua rongu kē mātau mai i te iwi whānui i ētahi atu whakawhitihiti kōrero mō te whakamaru ā-motu, tae atu ki te Whakamāramatanga mō Ngā Kitenga Wā Roa mō te Whakamaru ā-Motu.

Ka kawea e te Rautaki Whakamaru ā-Motu ngā whakahoutanga ka tūtohua e te Pūrongo a te Kōmihana a te Karauna mō te kaupapahere.

E tūmanako ana mātau ka oti te Rautaki hei te waenganui o te tau 2023.

Me pēhea te rapu i ētahi atu mōhiohio

Ka kitea e koe ētahi atu mōhiohio mō te Rautaki, ā, me pēhea te tuku i tētahi tāpaetanga kōrero tuihono mō te paetukutuku a DPMC - [National Security Strategy](#).

Mō ētahi atu mōhiohio mō te urupare a te Kāwanatanga ki te Pūrongo a te Kōmihana Uiui a te Karauna tirohia te [Kōmihana Uiui a te Karauna ki te whakaeke ā-tuma i te Whare Kōrana o Ōtautahi | Te Tari o Pirimia me Te Rūnanga Matua \(DPMC\)](#)